


Piang Krax Yaong Emawk



Lukax 24:13-35

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Krax Pa Nih Nai Krai Lao Tau -

Sax koe bawg yam pa kied laux rhawm maix lie? Ap maix ti koe krax deud pot jun pot son tix ceu ceu pa ang lai chix lih ti mawh.

Maix keud ti yaox, phan maix viex ka daux kawn ceu pa hawt khaix Yesux tix kaux daux sinaix duah an, daux rhawm maix sang koe yuh ka mawx? Maix ap ti keud Yesux mawh Misiyax, Cao Taoh. Kheu yaox maix Nawh pai pui koe jhawm saux ku ceu mai kheu pex grheu phicaox khankix mai tik nyiex ma tix hawk khaix Nawh. Daux pa ang keud ang ce, yam in Nawh yum sijaox! Kawn cau 11 kaux kied lhat mai mox tix. Simeeig kawx hoik yi. Pui khankix piawm, lox ah Yesux ka Cao Tix. Nawh tag sang yum mai tag sang kaoh im.

Kadaux been in ex tag sang yaox pui pa hawt khaix Yesux lih hu khaing veng Yerusalem singaix tuah khaix laux rhawm kheu yum Yesux. Ex jhak yaox Yesux jhi kix yaox yuh ka mawx awm gumlox pa hoik ah Nawh.



¹³ Jhak heue, ka daux ngaix an ka daux kix
ra kaux hu ka yaong pa kaux Emawk, pa singai
khaing veng Yerusaliem dex aliah lhak. ¹⁴ Kiex
kum ka paox tix grawh grawng ceu pa hoik
mawh an khawmuik heue.



¹⁵ Yam kawn kum kiex chawk ka paox tix,
tokaux Yesux hoek dex mai hu tau mai kiex
heue. ¹⁶ Viang mawh nan hoik yuh ngai kiex,
yuh ka mawx son ang sang tawng ka Nawh Cao
heue.


¹⁷ Nawh Cao chawk ah nin ka kiex, “Lox
kum pax ka paox tix, yam hu pax krax, mawh
ceu pa yuh ka mawx?” Kiex yut ti kaog mai yuh
awm pa voi rhawm tix heue.




¹⁸ Ka daux kiex tix kaux, pa kaux
Kalawphax, pawk lox ah nin ka Nawh Cao,
“Maix mawh nyō pa ot ka daux veng
Yerusaliem nong nong lie? Kheu ang Maix
tawng grāwth grāwng ceu pa hoik mawh tan,
ka daux bawg yam singaix in khankix.”




¹⁹ Nawh Cao chawk kiex ah nin, “Grawh grawng ceu pa yuh ka mawx?” Kiex deeh ah nin ka Nawh Cao, “Mawh grawh grawng Yesux, Pui Nazariet, pa mawh Cao jhai, pa ting sibrawm ka daux pa yuh mai ka daux gumlox, sivoe Siyiex mai kawn pui khawmuik heue.




²⁰ Grawng cao giex kaing li pa ting khankix mai simiang ex khankix, prawng ti tawx Nawh Cao kieh yum mai tawk Nawh piang khaox lhak heue. ²¹ Viang mawh nan ex hoik keud hoik ce, Nawh mawh Kaw pa tak sang taoh ceu pui Isarelax heue. Mawh mai lheu khaing in khawmuik, khaix hoik mawh ceu in khankix, uik koe loe singaix heue.



²² Lheu khaing an, bun tix blah daux cub ex, kieh ex daox deng kah heue. Kix hoik hu ka simeeig cao cao, ²³ yam ang kix yaox tokaux yum Nawh Cao, kix deeh hoek mai krai ka ex, grawh grawng hoik yaox kix riang susai kawncau Siyiex, pa krai ka kix, Nawh Cao klawd heue. ²⁴ Pui tix blah pa ot tau mai ex, hu ka simeeig an mai yaox awm pa hoik krai bun khankix, viang mawh nan kix ang yaox Nawh Cao heue.”




²⁵ Nawh Cao ah nin ka kiex, “Pui pa daox
mai pa sivix tix yum rhawm, ka lox
khawmuik, pa hoik krai cao jhai khankix eue,
²⁶ Khrit tak lai kham geu ceu in khankix mai
khaix an laig ka daux min plakngai Nawh ang
mawh lie?”




²⁷ Nawh Cao teei lox Phuk lai sigang khri
khawmuik jah ka lai Mose, lai cao jhai
khawmuik, plak tix nih nai krai lao grawh
grawng tokaux tix heue.



²⁸ Kiex hoek dex ka yaong dee sang hu
kiex mai Nawh Cao yuh awm Nawh sang baox
hu, luan khaing heue. ²⁹ Kiex kieh raw Nawh
Cao ah nin, “Ot tau mai yiex ha, kheu dex
hoek bawg yam ponbo mai yam pon ngaix
dex luan heue.” Nawh Cao laig ot tau mai kiex
heue.



³⁰ Yam hoik ngawm neung Nawh Cao ti sawm tau mai kiex, Nawh Cao teei blah mai nawb bwan mai Nawh sivist blah an mai tawx ka kiex heue. ³¹ Ngai kiex deeh blah mai kiex tawng nawk mawh Nawh Cao mai Nawh Cao grai khaing pa yaox kiex heue.



³² Kiex ah nin ka paox tix, “Yam sikah Nawn Cao mai ax hawt krax mai plak ax mhong dee bleeh Phuk lai sigang khri, rhawm ax lulieh kah ang mawh lie?” ³³ Kiex kaoh ka bawg yam nari dom an mai deeh hu ka veng Yerusalem mai kiex yaox kawncau kao tix kaux khrawm paox tix,



pui pa ot tau mai kix,³⁴ ah nin, “Simiang hoik deeh kaoh im tete mai hoik jhi tokaux tix ka Simon heue.”³⁵ Kiex krai grawh grawng ceu pa hoik mawh, pa yaox kiex hawt krax mai grawng pa tawng kiex Nawn Cao, yam sivist Nawn blah heue.

k. Deeh Thawk Theng

1. Pui pa lawng krax hu ka yaong Emawk ra kaux krai grawng pa tix?
2. Mawh pui mawx pa hoek hu tau mai kiex? Yesux chawk lox chawk pa huh ka mawx?
3. Kalawphax pawk lox chawk Yesux huh ka mawx? Kiex ah huh ka mawx ka Yesux?
4. Yesux krai kiex mhong lox piangnyap tiiem Mose mai cao jhai huh ka mawx?
5. Deeh sidh, kiex tawng Yesux mawh pui pa lawng krax mai tix bawg yam mawx?
6. Kiex ra kaux krai grawng pa koe daux rhawm tix huh ka mawx, yam krai Yesux kiex mhong phuk lai Sigang Khri lawng krax?
7. Kalawphax mai paox grawm nawh hu dee mawx khaix hoik krai Yesux? Kiex krai pa tix ka kawn cau khankix?

kh. Krax Pa Doh Rhawm Ka Been

1. Yam lih hu khaing veng Yerusaliem, maix keud daux rhawm Kalawphax mai paox grawm nawh koe yuh ka mawx?
2. Maix keud mawh kheu jao pa tix Yesux sidiex ka kiex ka phuk lai Sigang Khri sivoe sang paoh ngai kiex tawng mawh Nawh mawx?
3. Mawh kheu jao pa tix Yesux sidiex gau kiex grawng Misiyax pa koe daux phuk lai Sigang Khri pa prim?
4. Maix keud mawh kheu jao pa tix ka gumlox pa ah, “Lulieh rhawm” yam hoik mhong kiex lox sidiex gau Yesux?

g. Krax Pa Deeh Shiao Daux Ju Tix Khaing Been

1. Mawh kheu jao pa tix bawg tix blah, ex awm pui dug, ang tawng dee bleeh Gumlox Siyiex?
2. Mawh kheu jao pa tix Kawn Khrit koe krax keud pot jun pot viang koe krax pa ju pa cien kawx?
3. Been in tawx maix koe riang rao ka daux ju pa im tix yuh ka mawx?

ng. Ceu Pa Rieb Gau Khaing Been In

1. Gumlox siyiex tag paoh ngai ex, kieh ex chix Yesux rug mawh pui mawx.
2. Pui pa yum rhawm ka Yesux ku kaux ang grai krax keud pon jun pot kheu kaoh im Yesux.
3. Maix pon rieb gau ceu pa tix? Kawn koe lox chawk lie?

Baux Lai Pa Caw Ti Ci

Lukax 24:26 - Khrit tak lai kham geu ceu in khankix mai khaix an laig ka daux min plakngai Nawh ang mawh lie?”